



## **Universitätsbibliothek Paderborn**

**S. Avrel. Avgvstini Confessionvm Libri X**

**Augustinus, Aurelius**

**Coloniae, 1646**

Liber IX. In villam Verecundi abit cum matre, aliisque amicis. Professionem Rheticæ abdicat; libros varios scribit. Biennio fere elapso Mediolanum redit; ibi cum Alipio, & Adeodato filio ...

**urn:nbn:de:hbz:466:1-10120**

## LIBER IX.

In villam Verecundi abit cum matre, aliisque amicis. Professionem Rheticæ abdicat; libros varios scribit. Biennio fere clapsi Mediolanum reddit; ibi cum Alipio, & Adeodato filio, baptizatur. Inde cum Matre, & aliis in Africam remeare parat. Matris deinde vitam, & ad ostia Tiberina mortem: suum item luctum gratus Filius, pie & eleganter exequitur.

## C A P. I.

*Laudat Deum, qui mutavit voluntatem ejus, ut tolleret jugum Christi, & suave esset, carere suavitatibus nugarum.*

Psal. 115,  
16.

Psal. 82, 2.



Domine, ego servus tuus, ego servus tuus, & filius ancillata. Dirupisti vincula mea, tibi sacrificabo hostiam laudis. Laudet te cor meum, & lingua mea, & omnia ossa mea dicant, Domine, quis similis tibi? Dicant, & responde mihi; & dic animæ meæ, Salus tua ego sum. Quis ego, & qualis ego? Quid non mali ego, aut facta mea, aut si non facta, dicta mea: aut si non dicta, voluntas mea fuit? Tu autem

Do-

Dominé bonus, & misericors, & dextera tua respiciens profunditatem mortis meæ, & à fundo cordis mei exhauriens abyssum corruptionis. Et a hoc erat totum nolle, quod volebas, & velle, quod nolebas.

2. Sed ubi erat tam annoso tempore, & de quo imo altoque secreto, evocatum est in momento liberum arbitrium meum, quo subderem cervicem *leni jugo tuo*, & humeros levi sarcinæ tuæ, Christe Iesu, adjutor meus, redemptor meus? Quam suave mihi subito factum est, carere suavitatibus nugarum! & quas amittere metus fuerat, jam dimittere gaudium erat. Ejiciebas enim eas à me, vera tu & summa suavitas: ejiciebas, & intrabas pro eis omni voluptate dulcior, sed non carni & sanguini; omni luce clarior, sed b omni secreto interior; omni honore sublimior, sed non sublimibus in se. Iam liber erat animus meus à curis mordacibus ambiendi, & acquirendi, & volutandi, atque c scalpendi scabiem libidinum: & garriebam tibi claritati meæ, & divitiis meis, & saluti meæ Domino Deo meo.

## N O T Æ.

- a Hoc erat totum ) nolle quod vult Deus, & velle quod non vult, hæc tota est peccatoris corruptio.
- b Omni secreto interior ) clarissime lucet Dei gratia, sed intus in cordis arcano, non foris in negotiorum tumultu, & rerum sensibilium turbis.
- c Scalpendi scabiem ) apposita utitur metaphora. Scabiosi sunt, & leprosi, homines impuri: delectantur infelici pruritu, qui non tam voluptatem habet, quam turpissimi morbi testimonium.

V S V S.

## V S V S.

1. Qui divina gratia à gravibus peccatis resurgit, cum S. Augustino, mox Deo gratias agat, & illius beneficium agnoscat, expendens divinæ gratiæ esse mirabilem hanc immutationem.
2. Credant S. Augustino jam converso, magnam esse suavitatem pœnitentiarum, & conversionis, qui putant morte amariorem esse vitam sine illicitis cupiditatibus. En suave factum est S. D. carere illo luto, in quo tam alte hærebat ! Ut liter hoc caput leget, quisquis divinam vocacionem sentit, & sequi statuit ; item, qui conscientiam suam seria confessione expiavit.

## C A P. II.

*Abdicationem professionis Rhetorice, valedudini quoque necessariam, se in ferias vindemiales vitandæ offensionis causa, distulisse.*

1. **E**t placuit mihi in conspectu tuo non tumultuose abripere, sed leniter subtrahere ministerium linguae meæ, a nundinis loquacitatis : ne ulterius pueri meditantes non legem tuam, non pacem tuam, sed insanias mendaces & bella forensia, mercarentur ex ore meo b arma furori suo. Et opportune jam paucissimi dies superrant, ad vindemiales ferias : & statui tolerare illos, ut solemniter abscederem, & redemptus à te, jam non redirem venalis. Consilium ergo nostrum erat coram te ; coram hominibus autem, nisi nostris non erat. Et convenerat inter nos, ne passim cuiquam effunderetur. Quamquam tu nobis d à convallis plorationis ascendentibus, & cantantibus

Psal. 33.7.

tibus canticum graduum , dederas sagittas Psal. 119,  
acutas , & carbones vastatores aduersus linguam <sup>4.</sup>  
subdolam , velut consulendo contradicen-  
tem , & sicut cibum assolet , amando consu-  
mentem . Sagittaveras tu cor nostrum , ca-  
ritate tua , & gestabamus verba tua transfixa  
visceribus . Et exempla servorum tuorum ,  
quos de nigris lucidos , & de mortuis vivos  
feceras , congesta in sinum cogitationis no-  
stræ , urebant & absuebant gravem torpo-  
rem , ne in ima vergeremus . Et accendebat  
nos valide , ut omnis ex lingua subdola con-  
tradictionis fatus , inflammare nos acius  
posset , non extingue.

2. Veruntamen , quia propter nomen tu-  
um , quod sanctificasti per terras , etiam lau-  
datores utique haberet votum & proposi-  
tum nostrum , jastantæ simile videbatur ,  
non operiri tam proximum feriarum tem-  
pus : sed de publica professione , atque ante  
oculos omnium sita , ante discedere , ut con-  
versa in factum meum ora cunctorum in-  
tuentium , quam vicinum vindemialium di-  
em prævenire voluerim , multa dicerent ,  
quod quasi appetissim magnus videri . Et  
quo mihi erat istud , ut putaretur & disputa-  
retur de animo meo , & blasphemaretur bo-  
num nostrum ? Quin etiam , quod ipsa æsta-  
te e literario labore nimio , pulmo meus ce-  
dere cooperat , & difficulter trahere suspiria ,  
doloribusq; pectoris testari se faucium , vo-  
cemque clariorem producione recusa-  
re : primo perturbaverat me , quia magistri  
illi illus sarcinam , pene jam necessitate de-  
ponere cogebat , aut si curari , & convale-  
scere potuisset , certe intermittere . Sed ubi

O

plena

plena voluntas vacandi & videndi, quoniam tu es Deus, oborta mihi est atque firmata, nosti Deus meus, etiam gaudere cœpi, quod hæc quoque suberat non mendax excusatio: quæ offenditionem hominum temperaret, qui propter liberos suos, me liberum esse nunquam volebant.

3. Plenus igitur tali gaudio, tolerabam illud intervallum temporis, donec decurreret. Nescio utrum, vel viginti dies erant, sed tamen fortiter tolerabantur, quia recesserat cupiditas, quæ mecum solebat ferre grave negocium: & ego premendus remanseram, nisi patientia succederet. Peccasse me in hoc, quisquam servorum tuorum, fratrum meorum dixerit; quod jam pleno corde militia tua, passus me fuerim, vel una hora sedere in cathedra mendacii. At ego non contendo. Sed tu Domine misericordissime, nonne & hoc peccatum, cum cæteris horrendis & funereis, in aqua sancta ignovisti, & remisisti mihi?

## N O T A E.

- a *Nundinis loquacitatis*) Rheticæ professionem intelligit, hoc sane convitio dignam, si vano fine suscipiatur.
- b *Arma furori suo*) ut eloquentia aliæque artes sunt instrumenta virtutum, si ad divinam gloriam referantur, ita sunt arma furoris, quo insaniunt filii vanitatis, studia sua ad quæstum & vanos honores referentes, tanto deteriores, quanto doctiores, præsertim si hæresis & pertinacia accedat.
- a *A convalle plorationis*) seu pœnitentiaz, seu misericarum hujus mundi, qui est vallis lachrymarum. Alludit vero S. D. ad illud *Beatus vir, cuius est auxilium abs te, ascensiones virtutum in corde suo dispositus: in valle lacrymarum.*

- d *Cantantibus canticum graduum*) quod complectitur quindecim Psalms, à 119 usq; ad 133. Sunt autem tot Psalmi, qui dicuntur graduum, quoniam tot fuerunt gradus templi Solomonis teste S. D. in quorum ascensione hos Psalmos cani solitos, censem Lyranus & alii. Theodoretus & Euthymius putant hæc cantica ad literam significare, ascensionem Iudæorum de Babylone in Ierusalem. Illud certum esse affirmat Bellarmi-  
nus ascensionem sive hanc, sive illam, figuram fuisse as-  
censionis electorum; qui per gradus virtutum, ac præci-  
pue caritatis, ascendunt de valle lachrymarum ad cal-  
istem Ierusalem; & de hac ascensione Spiritum sanctum  
potissimum locutum; ideoque hi Psalmi merito fre-  
quentantur ab Ecclesia. Et verisimile est S. Au-  
gustinum post suam conversionem ex desiderio  
proficiendi in caritate Dei, saepius illos usurpas-  
se, idque ipsum hic significare.
- e *Labori nimio pulmo messis cedere cœperat* & assiduis clama-  
toribus fractus, inde pectoris dolor, cuius quo-  
que mentionem alibi facit. Quam excusationem  
divina providentia ei subministravit, ut cum mi-  
nor offensione deserere posset functionem.

## V. S V S.

1. *Primus hic post conversionem labor est, ho-*  
*minum judicia & opprobria spernere; ad quod* 1. 1. contra  
Acad. c. 1.  
*generose faciendum, verbo & exemplo egregie* 1. de vita  
beata.  
*ducit Augustinus. Estque hæc virtus pars forti-*  
*tudinis, magnopere necessaria Incipientibus, nisi* 1. 1. de or-  
dine c. 1.  
*propositum suum cito deserere velint.*
2. *Alterum quoque, insignis prudentiæ documen-*  
*tum, præbet S. D. ut nempe vitemus offensio-*  
*nes hominum, quoad fieri potest. Quod vero in*  
*fine capituli. quasi subdubitat de peccato, bonæ*  
*illud mentis & humilitatis est. Hanc enim ejus*  
*moram in professione Rheticæ, intentio cari-*  
*tatis, & illud ipsum magisterium in Dei gloriam*  
*relatum non solum inculpabilem, verum & lau-*  
*dabilem, fecit. Nec amplius cathedra ejus fuit*  
*mendacii, sed veritatis, quia istam, non illud*  
*spectabat.*

C A P. III.

Concessit illis villam Verecundus, cuius,  
sicut & Nebridii paulo post secutam con-  
versionem, ac utriusque mortem me-  
morat.

1. **M**acerabatur anxietudine Verecun-  
dus de isto nostro bono, quod pro-  
pter vincula sua, quibus tenacissime tene-  
batur, deseriri se nostro consortio videbat,  
nondum Christianus conjugi fidi. Ea ipsa  
tamen arctiore præ cæteris compede, ab iti-  
nere, quod aggressi eramus, retardabatur.  
Nec Christianum esse alio modo se velle  
dicebat, quam illo, quo non poterat. Beni-  
gne sane obtulit, ut quamdiu ibi essemus,  
in rure ejus essemus. Retribues illi Domine  
in resurrectione justorum, quia jam ipsam  
sortem retribuisti ei. Quamvis enim absen-  
tibus nobis, cum Romæ jam essemus, cor-  
porali ægritudine correptus, & in ea Chri-  
stianus fidelis factus, ex vita hac migravit.  
Ita misertus es non solum ejus, sed etiam  
nostrí: ne cogitantes egregiam erga nos a-  
mici humanitatem, nec eum in grege tuo  
numerantes, dolore intolerabili cruciare-  
mur.

2. Gratias tibi Deus noster, tui sumus:  
indicant hortationes & consolationes tuae,  
fidelis promissor; reddes Verecundo pro ru-  
re illo ejus Cassiaco, ubi ab æstu seculi re-  
quievimus in te, amœnitatem sempiterne  
virentis paradisi tui; quoniam dimisisti ei  
peccata super terram, & in monte incaseato,  
monte

monte tuo, monte uberi. Angebatur ergo tunc ipse, Nebridius autem collatabatur. Quamvis enim & ipse nondum Christianus, in illam foveam perniciofissimi erroris inciderat, ut veritatis d<sup>r</sup> filii tui carnem phantasma crederet: tamen inde emergens, sic sibi erat, nondum ullis Ecclesiæ tux sacramentis imbutus, sed inquisitor ardentissimus veritatis. Quem, non multo post conversionem nostram, & regenerationem per baptismum tuum, ipsum etiam fidelem catholicum, castitate perfecta atque continencia, tibi servientem in Aphrica apud suos, cum tota domus ejus per eum Christiana facta esset, carne solvisti.

3. Et e nunc ille vivit in sinu Abraham (quicquid illud est, quod illo significatur sinu) ibi Nebridius meus vivit, dulcis amicus meus, tuus autem Domine f<sup>d</sup> adoptivus ex liberto filius, ibi vivit. Nam quis alius tali animæ locus? ibi vivit, unde me multa interrogabat homuncionem inexpertum. Iam non ponit aurem ad os meum, sed spirituale os ad fontem tuum: & bibit, quantum potest, sapientiam pro aviditate sua, fine fine felix. Nec sic eum arbitror inebriari ex ea, ut obliviscatur mei, cum tu Domine, g quem potat ille, nostri sis memor. Sic ergo eramus, Verecundum consolantes tristem, salva amicitia de tali conversione nostra: & exhortantes ad fidem gradus sui, vita scilicet conjugalis. Nebridium autem operientes, quando sequeretur, quod de tam proximo poterat, & erat jam jamque facturus. Cum ecce evoluti sunt dies illi tandem, nam longi & multi videbantur præ-

Luc. 16.

amore libertatis otiosæ, ad cantandum de  
psal. 26. 8. medullis omnibus. *Tibi dixit cor meum, qua-*  
*sivi vultum tuum, vultum tuum Domine requi-*  
*ram.*

## N O T Æ.

- a *Macerabatur anxietudine Verecundus*) quia videbat se privari consuetudine carissimorum sibi hominum, à quorum consortio impediebatur compede uxoria. Nec aliter Christianus esse volebat, quam uxore solitus, qua viva solvi non poterat.
- b *Hortationes & consolationes*) quas habent ac sentiunt justi homines, signum sunt electionis eorum.
- c *In monte incaseato*) intelligit vel Christum, quem esse montem incaseatum, sive coagulatum (ut vulgariter habet eodem sensu) & pinguem, alibi interpretatur; vel Ecclesiam Catholicam, in qua per Christi merita & baptismum, Verecundo ante mortem peccata sunt dimissa. Nam hanc quoque, per illum montem significari docet Bellarm.
- d *Fili tui carnem phantasma*) inciderat nempe Nebridius in hæresin Manichæorum, negantium Christum assumpsisse veram carnem, de qua supra.
- e *Nunc ille vivit in sinu Abraham*) Sintus Abrahæ, qui Limbus Patrum dicitur, est secundum Theologos receptaculum subterraneum, in quo animæ sanctæ ante Christi ascensionem detinebantur. S. D. vero etiam post Christi ascensionem videtur, ibi eas collocasse. Etsi enim crederet illas Deum videre, adeoque beatas esse, ut ex sequentibus verbis liquet, fuit tamen dubius de loco, hinc illa verba: *quidquid illud est, quod significatur illo sinu, quem aliquando putavit non esse subterraneum.* V. Suarez & Beliarim.
- f *Adoptivus ex liberto filius*) libertum vocat Nebridium, quia ex servitute Diaboli per baptismum liberatus fuit; adoptivum vero filium, quia per gratiam Dei adoptionem filiorum consecutus erat.
- g *Quem potat ille*) nempe per visionem beatificam.

In Psal.  
67.In 4.d.45.  
V. Suar.  
t. 2. in 3.  
p. d. 41.  
S. 2.I. c. I. 1.  
de beatit.  
C. 5.

V S V S.

1. Disce gratitudinem erga amicos & benefactores defunctos : eisque retributionem æternam precare, & imprecare.
  2. Elidit S. D. stolidum hæreticorum argumentum , quo contendunt SS. non invocandos , quod nec audiant nec videant necessitates & petitiones nostras. Sed non obliviscuntur nostri , cum tu Domine , ait magnus Augustinus , no- V. lib. de stri sis memor. Nimis indigne de Deo sentiunt , qua- cura agen- si ille amicis suis jam beatis , notitiam rerum hu- da pro manarum , & maxime precum nostrarum , largi- mort. c. ri aut nolit , aut non possit . II.

## C A P. I V.

*Cum suis omnibus in villam abit libros aliquot scribit, Psalmos Davidis legit, ex iis quartum adversus Manichaeos explicat, dolore dentium divinitus liberatur.*

I. **E**t venit dies, in quo etiam actu sol-  
verer à professione rhetorica, unde  
jam cogitatu solutus eram. Et factum est.  
Et eruisti linguam meam, unde jam erue-  
ras cor meum: & benedicebam tibi gau-  
dens, *a* profectus in villam cum meis omni-  
bus. Ibi quid egerim in literis, jam quidem  
servientibus tibi, sed adhuc in superbior  
scholam, tanquam in pausationem anhe-  
lantibus, *b* testantur libri disputati cum  
præsentibus, & cum ipso me solo coram  
te: quæ autem cum absente Nebridio, te-  
stantur epistolæ. Et quando mihi sufficiat  
tempus commemorandi omnia magna erga  
nos beneficia tua in illo tempore, præser-  
tim ad alia majora properanti? Revocat  
enim me recordatio mea, & dulce mihi fit  
Domine confiteri tibi, quibus internis me

stimulis perdomueris, & quemadmodum  
me complanaveris, humiliatis montibus &  
collibus cogitationum mearum, & tortuo-  
sa mea direxeris, & aspera lenieris. Quoque  
modo ipsum etiam Alipium fratrem cordis  
mei, subegeris nomini unigeniti tui, Do-  
mini & salvatoris nostri Iesu Christi, quod  
primo cedignabatur inferi literis nostris.  
Magis enim eas volebat redolere gymna-  
siorum cedros, quas jam contrivit dominus,  
quam salubres herbas ecclesiasticas adver-  
sus serpentibus.

2. Quas tibi Deus meus voces dedi, cum  
legerem Psalms David, cantica fidelia, &  
sonos pietatis, excludentes turgidum spi-  
ritum! rudis in germano amore tuo, cate-  
chumenus in villa, cum catechumeno Ali-  
pio feriatus: matre adhærente nobis mu-  
liebri habitu, virili fide, anili securita-  
te, materna caritate, Christiana pietate.  
Quas tibi voces dabam in Psalmis illis, &  
quomodo in te inflammabar ex eis, &  
accendebar eos recitare, si possem toto  
terrarum orbe, adversus typhum generis hu-  
mani! Et, tamen toto orbe cantantur, &  
non est, qui se abscondat à calore tuo.  
Quam vehementi & acri dolore indignabar  
Manichæis, & miserabar eos rursus, quod il-  
la sacramenta, illa medicamenta nescirent:  
& insani essent adversus antidotum, quo  
sani esse potuissent. Velle, ut alicubi juxta  
essent ignorante me, utrum audirent: & me  
nesciente quod ibi essent, intuerentur fa-  
ciem meam, & audirent voces meas, quando  
legi quartum Psalmum, in illo tunc otio,  
quid de me fecerit ille Psalmus.

3. Cum

3. Cum invocarem te, exaudisti me Deus iustitiae  
meae, in tribulatione dilatasti mihi. Miserere mei  
Domine, & exaudi orationem meam. Audirent  
ignorante me, utrum audirent; ne me pro-  
pter se illa dicere putarent, quæ inter hæc  
verba dixerim. Quia & revera nec ea dice-  
rem, nec sic ea dicerem, si me ab eis audiri  
viderique sentirem: nec si dicerem, sic ac-  
ciperent, quomodo mecum & mihi, coram  
te, de familiari affectu animi mei. Inhor-  
rui timendo, ibidemque inferbui sperando,  
& exultando in tua misericordia pater. Et  
hæc omnia exhibant per oculos meos, & vo-  
cem meam, cum conversus ad nos spiri-  
tus tuus bonus, ait nobis: *Fili hominum*  
*quousque graves corde? ut quid diligitis vanitatem,*  
*& queritis mendacium?* Dilexeram enim vani-  
tatem, & quæsieram mendacium. Et tu Do- Marc. 16.  
mine jam magnificaveras sanctum tuum, suscitans  
eum à mortuis, & collocans ad dexteram tuam, un- Actor. 2.  
de mitteret ex alto promissionem suam pa-  
racletum, spiritum veritatis; & miserat eum  
jam, sed ego nesciebam.

4. Miserat eum, quia jam magnificatus  
erat, resurgens à mortuis, & ascendens in  
cœlum. *Ante autem spiritus nondum erat datus,* Ioa. 7. 39.  
quia Iesus nondum erat clarificatus. Et clamat pro-  
pheta: *Quousque graves corde? Ut quid diligitis*  
*vanitatem, & queritis mendacium?* Et scitote,  
quoniam Dominus mirificavit sanctum suum. Cla-  
mat, quousque? clamat, scitote. Et ego tam-  
diu nesciens, vanitatem dilexi, & menda-  
cium quæsivi. Et ideo audivi, & contremui:  
quoniam talibus dicitur, qualem me fuisse  
reminiscebar. In phantasmatibus enim,  
quæ pro veritate tenueram, vanitas erat &

O S menda-

mendacium. Et insonui multa graviter ac fortiter, in dolore recordationis meæ. Quæ utinam audissent, qui adhuc diligunt vanitatem, & quærunt mendacium! Forte turbarentur, & evomuissent illud, & exaudiens eos, cum clamarent ad te; quoniam 34.  
Rom. 8.  
vera morte carnis mortuus est pro nobis, qui te interpellat pro nobis.

5. Legebam, *Irascimini, & nolite peccare.*  
Et quomodo movebar Deus meus, qui jam didiceram, irasci mihi de præteritis, ut de cetero non peccarem! Et merito irasci, quia non alia natura gentis tenebrarum de me peccabat, sicut dicunt qui sibi non irascuntur, & thesaurizant sibi iram in die iræ, & revelationis justi judicii tui. Nec jam bona mea foris erant, nec oculis carneis in isto sole quærebantur. Volentes enim gaudere forinsecus, facile evanescunt, & effunduntur in ea, quæ videntur, temporalia sunt, & imagines eorum, famelica cogitatione lambunt. Et ô si fatigentur inedia, & dicant! *Quis ostendet nobis bona?* Et dicamus, & audiant: *Signatum est in nobis lumen vultus tui Domine.* Non enim lumen nos sumus, *quod illuminat omnem hominem,* Ioan. 1. 9.  
Ephes. 5. sed illuminamur à te, ut qui sumus aliquando tenebrae, sumus lux in te.

6. O si viderent internum lumen æternum, (quod ego, quia gustaveram, frendebam; quoniam non eis poteram ostendere) si afferrent ad me cor in oculis suis foris à te, & dicerent! *Quis ostendet nobis bona?* Ibi enim, ibi mihi iratus eram intus in cubili, ubi compunctus eram, ubi sacrificaveram mactans vetustatem meam, & in-  
Psal. 4.

inchoata meditatione renovationis meæ ,  
sperans in te : ibi mihi dulcescere cœperas ,  
& dederas lætitiam in corde meo . Et ex-  
clamabam legens hæc foris , & agnoscens  
intus . Nec volebam multiplicari terrenis  
bonis , devorans tempora , & devoratus  
temporalibus : cum haberem in æterna sim-  
plicitate aliud frumentum , & vinum , &  
oleum .

7. Et clamabam in consequenti versu ,  
clamore alto cordis mei : O in pace ! O fin  
idipsum ! O quid dixit : Obdormiam & somnum  
capiam ? Quoniam , quis resistet nobis , cuim  
fiet sermo , qui scriptus est : Absorpta est mors <sup>1. Cor. 15.</sup>  
in victoria ? Et tu es idipsum valde , qui non  
mutaris , & in te requies , obliviscens labo-  
rum omnium , quoniam nullus alias tecum . Sed nec ad alia multa adipiscenda ,  
quæ non sunt , quod tu ; sed tu Domine , <sup>54.</sup> singu-  
lariter in spe constituisti me . Legebam , & arde-  
bam , nec inveniebam , quid facerem sur-  
dis mortuis , ex quibus fueram pestis & latra-  
tor amarus , & cæcus adversus literas , de  
melle coeli melleas , & de lumine tuo lumi-  
nosas : & super scripturæ hujus inimicos ta-  
bescebam , quando recordabar omnia die-  
rum illorum feriotorum .

1. Sed nec oblitus sum , nec silebo fla-  
gelli tui asperitatem , & misericordiæ tuæ  
mirabilem celeritatem . Dolore dentium  
tunc excruiciabas me , & cum in tantum  
ingravesceret , ut non valerem loqui , ascen-  
dit in cor meum admonere omnes meos ,  
qui aderant , ut deprecarentur te pro me ,  
Deum salutis omnimodæ . Et scripsi hoc  
in cera , & dedi eis , ut legeretur . Mox , ut ge-

nua supplici affectu fiximus, *h* fugit dolor ille. Sed quis dolor? aut quomodo fugit? Ex pavi, fateor Domine meus, Deus meus! nihil enim tale ab ineunte ætate expertus fueram. Et insinuati sunt mihi in profundo nutus tui, & gaudens in fide laudavi nomen tuum. Et ea fides, me i securum esse non sinebat de præteritis peccatis meis, quæ mihi per baptismum tuum, remissa nondum erant.

## N O T A.

- In lib. de ordine, de beata vi- ta. contra Acad. inf. cap. 7.*
- I. i. retr. c. 12. 3, 4, 5.*
- In com- ment. ad v. 1.*
- a *Profectus in villam*) Cassiacum Verecundi, de quo supra, comitante matre, Alipio aliisque, inter quos fuisse Adeodatum filium, Navigium fratrem, Trigetium & Licentium cives & discipulos, Lactidianum & Rusticum consobrinos illius, item Euodium ipse alibi significat.
- b *Testantur libri disputati*) contra Academicos, de vita beata, de ordine, & soliloquia; hos enim libros Cassiciaci scriptos, aut saltem inchoatos, antequam Mediolanum reverteretur, testatur ipse. Ii autem libri, et si bono animo, nondum tamen penitus ad formam humilitatis Chriſtiana subacto, scripti sunt, ut ipse hic, & in libris retractat. fatetur.
- c *Dedignabantur inseri literis nostris*) vanæ & profanæ eruditionis studio. Habet vero Alipius catechumenus imitatores, viros in fide Christiana enutritos, quibus nihil latinum est, nisi profanum: ideoque abstinent vocibus Ecclesiasticis, non aliter, quam Solœcismis aut Barbarismis. Quasi Christi fides, quæ omnium gentium devicit errores, sacrorum suorum vocabula, non possit jure suo profanis miscere linguis; aut deceat superstitionis idololatricisque vocibus, Sacrosancta mysteria inquinare & obscurare.
- d *Quando legi quartum Psalmum*) quem teste Bellarm. canit David in persona Ecclesiæ, vel cuiuslibet animæ fidelis, quæ exemplo suo monet peccatores, ut convertantur, & fiduciam ponant in Domino, declinent à malo, & faciant bonum. Sic S.D. inflammato corde in Manichæos eum pronunciavit.

e Ma

- c. *Magnificaveras sanctum tuum*) id est, Christum, qui est Sanctus Sanctorum, vulgata editio habet, mirificavit.
- f. *In idipsum*) S. D. per idipsum intelligit Deum, qui solus semper est idem ipse, ut sensus sit : *In idipsum dormiam & requiescam*, id est, in Deo. Ad literam tamen, *in idipsum*, idem est, quod pariter, simul, conjunctim. V. Bellarm.
- g. *Latrator amarus & catus*) adversus sacras literas veteris Testamenti, quas una cum Manichæis rejiciebat.
- h. *Fugit dolor ille*) sane per miraculum, statim enim post preces, & miro modo, qualem nunquam expertus erat, cessavit.
- i. *Securum non esse sinebat*) et si enim certum & Catholicum dogma sit, ut ait Suarez, *ad remissio-* t.3. m.3 p. *nem peccatorum sufficere catechumenos contritionem cum d.27. S.2.*  
*voto baptismi, absque reali susceptione Sacramenti;*  
*quia tamen contritus valde difficilis est, minus certa*  
*reditur remissio peccatorum ante realem baptismum.*

## V S V S.

1. Commendat S. D. verbo & exemplo, psalmos, meritoque appellat *Cantica fidelia*, id est, fidelium propria, vel fidei mysteriis plena. Est enim liber Psalmorum quasi *summa & compendium* totius veteris testamenti, quidquid in eo ad historiam, prophetiam, mores pertinet, complectens. Vnde merito S. Basilius dixit : *Psalmos etiam ex corde lapideo lachrymas elicere*, & S. Chrysost. eos, qui *Psalmos rite canunt*, cum *Angelis choreas ducere*, & quasi cum eis de Dei laudibus, & amore contendere.
2. Principium in vita spirituali certum est. Volentes gaudere forinsecus in creaturis sensibilibus, facile evanescunt, & effunduntur in eas, earumque imagines lambunt cogitatione vaga, & divinæ consolationis inani. Hinc orationum distractiones innumeræ.

## C A P. V.

*Professionem Rhetoricae Mediolanensibus re-nuntiat, Ambrosius lectionem Prophetæ Esiae illi suadet.*

1. **R**enunciavi peractis vindemialibus, ut scholasticis suis Mediolanenses, & venditorem verborum alium providerent: quod & tibi ego servire delegisse, & illi professioni, præ difficultate spirandi ac dolore pectoris, non sufficerem. Et insinuavi per literas Antistiti tuo, viro sancto Ambro-  
sio, pristinos errores meos, & præsens vo-tum meum: ut moneret, quid potissimum mihi de libris tuis legendum esset, quo perciendæ tantæ gratiæ paratior aptiorque fi-  
erem. At ille jussit Esiam prophetam, cre-do, quod præ cæteris, Euangeli vocationis que gentium sit prænunciator apertior. Ve-runtamen ego primam hujus lectionem non intelligens, totumque talem arbitrans, dis-tuli repetendum exercitatiō in dominico eloquio.

## N O T. A E.

2. *Venditorem verborum* ) professorem Rhetoricae,  
appellat venditorem, quia salario & pretio con-ducendus erat.

C A P.

## C A P. VI.

*Mediolanum reversus, una cum filio Adeodato, cuius ingenium mire prædicat, & Alipio baptizatur, ac ingenti solatio perfunditur.*

1. *I*nde, ubi tempus advenit, quo me nomen dare oportet, relicto rure a Mediolanum remeavimus. Placuit & Alipio renasci in te mecum, jam induito humilitate sacramentis tuis congrua: & fortissimo dominori corporis, usque ad Italicum solum glaciale, nudo pede obterendum, insolito ausu. Adjunximus etiam nobis puerum Adeodatum, ex me natum carnaliter, de peccato meo. Tu bene feceras eum. Annorum erat fere quindecim, & ingenio præveniebat multos graves & doctos viros. Munera tua tibi confiteor, Domine Deus meus, creator omnium, & multum potens reformare nostra deformia. Nam ego in illo puer, præter delictum nihil habebam. Quod enim enutriebatur à nobis in disciplina tua, tu inspiraveras nobis, nullus aliis. Munera tua tibi confiteor. Et liber noster, qui inscribitur de Magistro, ipse ibi mecum loquitur. Tu scis illius esse sensa omnia, quæ inseruntur ibi, ex persona collocutoris mei, cum esset in annis sedecim. Multa ejus alia mirabilia expertus sum; horrorem mihi erat illud ingenium. Et quis præter te, talium miraculorum opifex?

2. *Cito de terra abstulisti vitam ejus, & securior eum recordor, non timens quicquam*

quam pueritiae, nec adolescentiae, nec omnino homini illi. Sociavimus eum coœcum nobis in gratia tua, educandum in disciplina tua, & baptizati sumus: & fugit à nobis solicitude vitæ præteritæ. Nec satiabar illis diebus dulcedine mirabili, considerare altitudinem consilii tui, super salutem generis humani. Quantum flevi in hymnis & canticis tuis, suave sonantis Ecclesiæ tuæ vocibus commotus acriter! Voces illæ influebant auribus meis, & eliquabatur veritas tua in cor meum, & ex ea æstuabat affectus pietatis, & currebant lachrymæ, & bene mihi erat cum eis.

## N O T Æ.

- V.I.8.c.1. 2 Mediolanum remeavimus ) biennio fere post conversionem peracto. Nam cum eo tempore, 12  
n. 1. fere annis ab undevicesimo ætatis elapsis, trin-  
ib. c. 7. ginta & unum natus esset, & in Soliloquii, quæ  
I.1.c.10. Mediolanum reversus absolvit, quatuordecim  
1.1. retr. annos ab eodem tempore & lecto Hortensio nu-  
c. 6. meret: biennium emergit, quo Cassiciaci mo-  
ratus libros supra memoratos scripsit, & in vir-  
tutibus Christianis ac Baptismi velut in tirocinio,  
se exercuisse dicendus est. Medioli ante Ba-  
ptismum scripsit libros de Grammatica, Dia-  
lectica, Rhetorica, Magistro. Est autem baptiza-  
tus tempore Paschali teste Possidio, seu Possido-  
nio, anno ætatis 34, ut probat Baron. una cum  
Siricii 4. Alipio & Adeodato, ab ipso S. Ambrosio, ut  
Valen. 13. testatur ipse S. Augustinus, cuius Baptismi an-  
Theod. 10. niversaria memoria est in Martyrol. Rom. 5  
I.1.contra Iul. c. 9. Maji.

## V S V S.

Securitas illa de venia peccatorum, quæ post ba-  
ptismum & poenitentiam infunditur, manifestum  
argumentum est divinæ gratiæ, & veræ fidei.  
Carent illa impoenitentes, item Hæretici & Eth-  
nici.

C A P.

## C A P. VII.

*Vt populus Mediolanensis Psalmos & Hymnos concineret, institutum est Iustinā per sequente Ambrosium : à quo peractam non sine miraculis translationem SS. Martyrum Gervasii & Protasii, recenset.*

1. **N**on longe cœperat Mediolanensis Ecclesia, genus hoc consolationis, & exhortationis celebrare, magno studio fratrum concinentium vocibus & cordibus. Nimirum annus erat, aut non multo amplius, cum a Iustina Valentiniani regis pueri mater, hominem tuum Ambrosium persequeretur hæresis suæ causa, qua fuerat seducta ab Arrianis. Excubabat pia plebs in Ecclesia, mori parata cum Episcopo suo, seruo tuo. Ibi mater mea, ancilla tua, solitudinis & vigiliarum primas partes tenens, orationibus vivebat. Nos adhuc frigidi à calore spiritus tui, excitabamur tamen, civitate attonita atque turbata. Tunc Hymni & Psalmi ut canerentur, secundum morem Orientalium partium, ne populus mœroris tædio contabesceret, institutum est : & ex illo in hodiernum retentum, multis jam ac pene omnibus gregibus tuis, & per cætera orbis imitantibus.

2. Tunc memorato antistiti tuo per vi sum aperiisti, quo loco laterent martyrum corpora b Gervasii & Protasii, quæ per tot annos incorrupta, in thesauro secreti tui reconsideras: unde opportune promeres, ad coërcendam rabiem femineam, sed regiam.

Cum

Cum enim propalata & effossa, dingo cum honore transferrentur ad Ambrosianam basilicam : non solum, quos immundi vexabant spiritus, confessis eisdem dæmonibus sanabantur : verum etiam quidam plures annos cæcus civis, civitatique notissimus, cum populi tumultuantis lætitiae causam quæsisset atque audisset, exilivit, eoque se ut duceret, suum ducem rogavit. Quo perductus impetravit admitti, ut sudario tangenter fereretur *preciosa in conspectu tuo mortis sanctorum tuorum.* Quod ubi fecit, atque admovit oculis, confessim aperti sunt. Inde fama discurrens, inde laudes tuæ ferventer lucentes, inde illius inimicæ animus, et si ad credendi sanitatem non applicitus, à persequendi tamen furore compressus est. Gratias tibi Deus meus. Vnde, & quo eduxisti recordationem meam, ut hæc etiam confiterer tibi, quæ magna oblitus præterieram?  
*c* Et tamen tunc, cum ita fragraret *odor un-*  
*Cant. i, 4.* *guentorum tuorum*, non currebam post te; & ideo plus flebam inter cantica hymnorum tuorum, olim suspirans tibi, & tandem respirans, *d* quantum patet aura in domo fœnea.

## N O T. A E.

- a) *Iustina*) de ejus hac in Ambrosium persecutione & causis vide Baron. qui antiquitatem quoque Psalmos & Hymnos concinendi in Ecclesia, egregie defendit.
- b) *Gervasii & Protasii*) quorum Festum colit Ecclesia 19 Iunii. V. Baron. in notis ad Martyrologium Romanum, ubi probabiliter concludit eos passos temporibus M. Aurelii Antonii, & Lucii Veri Imperatorum, post annum nonum Imperii eorum exerto iam bello Marcomannico. Quare per 200 & amplius annos, incorrupta Sanctorum

A.C. 386.

A.C. 384.

- rum horum corpora mansisse necesse est, ut merito id prodigiī loco memoret S. D. Dicti enim imperatores, cœperunt imperare A.C. 163. Hæc vero translatio refertur à Baronio A.C. 387. apud quem V. plura. Meminit de eadem sæpius lib. 22. de alibi Augustinus. Civ. Dei
- c Et tamen tunc, &c.) tempore hujus translatio- cap. 8, & nis, Augustinus adhuc Cassiciaci morabatur, Serm. 39. ideoque ait se nondum cucurrisse post Deum, baptis- de div. mum nempe adhuc differendo: quam moram cap. 5. videtur deflere, et si forte culpabilis non fuerit.
- d Quantum patet aura in domo fœnea) corpus suum intelligit, omnis enim caro fœnum, cuius angustiis Isai. 4, 6. velut coarctabatur, fervore divini amoris, & Christianæ Psalmodiæ suavitate inflammatus.

## V S V S.

1. Elucet Psalmorum & Hymnorum utilitas ad pietatis affectus concitandos, de quo iterum inf.
2. Apparet veteris Ecclesiæ devotio erga SS. I. 10. c. 33. Martyrum reliquias, divinis etiam miraculis testata, quæ S. D. refert. Quod si fidem iis abrogant Sectarii, non meliores se esse ostendunt Arianis, qui hæc ipsa Catholicæ fidei, & SS. Mar- Serm. 91. tyrum testimonia spernebant, uti liquet ex S. Ambrosio. Si vero credunt, ergo fateantur cultum reliquiarum & invocationem Sanctorum non repugnare veræ fidei, Deus enim non potest confirmare falso cultum & idololatricum prodigiis, cum sit Deus veritatis, & idololatriæ non solum hostis, verum & vindicta. Nec ratio permittit suspicari, quod permiserit tantos Ecclesiæ Doctores Augustinum & Ambrosium, diabolis præstigiis superstitionisque commentis, in publicam fidelium perniciem, decipi ac dementi; & Luthero ac Calvino, has scilicet Dæmonis præstigias, post tot secula reuelarit.

## C A P.

## C A P. VIII.

*Se cum Euodio & aliis pariter in Africam  
remeasse, Matre ad Ostia Tiberina de-  
functa, cuius educationem describit, &  
quomodo à violencia liberata sit.*

Psal. 67, 7. 1. *Vt habitare facis unanimes in domo, conso-  
ciasti nobis & Euodium juvenem ex  
nostro municipio. Qui cum agens in rebus  
militaret, prior nobis ad te conversus est, &  
baptizatus, & relicta militia sacerulari, accin-  
ctus tua. Simul eramus, simul habitabamus  
in placito sancto. Quærebamus, quisham  
locus nos utilius haberet servientes tibi,  
& Pariter remeabamus in Africam. Et cum  
apud ostia Tiberina essemus, mater defun-  
cta est. Multa prætereo, quia multum festi-  
no. Accipe confessiones meas & gratiarum  
actiones Deus meus, de rebus innumerabi-  
libus, etiam in silentio. Sed non præteribo,  
quicquid mihi anima parturit de illa famula  
tua, quæ me parturivit & carne, ut in hanc  
temporalem, & corde, ut in æternam lucem  
renascerer. Non ejus, sed tua dicam dona  
in ea. Neque enim seipsum fecerat, aut edu-  
caverat seipsum.*

2. Tu creasti eam, nec pater, nec mater  
sciebat, qualis ex eis fieret. Et erudit eam  
in timore tuo b virga Christi tui, regimen  
unici filii tui, in domo fideli, bono mem-  
bro Ecclesiæ tuæ. Nec tantam erga suam di-  
sciplinam diligentiam matris prædicabat,  
quantam famulæ cuiusdam decrepitæ, quæ  
patrem ejus infantem portaverat, sicut dor-

fo

so grandiuscularum puellarum parvuli portari solent. Cujus rei gratia, & propter senectam ac mores optimos, in domo Christiana satis à dominis honorabatur. Vnde etiam curam dominicarum filiarum commissam sibi, diligenter gerebat, & erat in eis cōercendis, cum opus esset, sancta severitate vehemens, atque in docendis sobria prudentia. Nam eas præter illas horas, quibus ad mensam parentum moderatissime alebantur, etiam si exardescerent siti, nec aquam bibere sinebat, præcavens consuetudinem malam, & addens verbum sanum: *Modo aquam bibitis, quia in potestate vinum non habetis: cum autem ad maritos veneritis, facta domine apothecarum & cellariorum, aqua sordebit, sed mos potandi prævalebit.*

3. Hac ratione præcipiendi & autoritate imperandi, frænabat aviditatem teneroris ætatis, & ipsam puellarum sitim formabat ad honestum modum, ut jam nec liberet, quod non deceret. Et surrepserat tamen, sicut mihi filio famula tua narrabat, surrepserat ei violentia. Nam cum de more, tanquam puella sobria juberetur à parentibus de cuppa vinum depromere, priusquam in lagunculam funderet merum, primoribus labris sorbebat exiguum, quia non poterat amplius, sensu recusante. Non enim ulla temulenta cupidine faciebat hoc, sed quibusdam superfluentibus ætatis excessibus, qui ludicris motibus ebulliunt, & in puerilibus animis majorum pondere premi solent.

4. Itaque ad illud modicum, quotidiana modica addendo (quoniam qui modica spernit,

*Eccles. 19, nit, paulatim decidit) in eam consuetudinem  
1. lapsa erat, ut prope jam plenos mero cali-  
culos inhianter hauriret. Vbi tunc sagax  
anus, & vehemens illa prohibitio? Nun-  
quid valebat aliquid adversus latente morbum, nisi tua medicina Domine vigila-  
ret super nos? Absente patre, & matre, &  
nutritoribus, tu præsens, qui creasti, qui vo-  
cas, qui etiam per præpositos homines boni  
aliquid agis ad animarum salutem, quid  
tunc egisti Deus meus? unde curasti? unde  
sanasti? Nonne protulisti durum & acutum  
ex altera anima convitium, tanquam medi-  
cinale ferrū, ex occultis provisionibus tuis,  
& uno iictu putredinem illam præcidisti?*

5. Ancilla enim, cum qua solebat acce-  
dere ad cuppam, litigans cum domina mi-  
nore, ut fit, sola cum sola, objecit hoc cri-  
men amarissima insultatione, vocans meri-  
bibulam. Quo illa stimulo percussa, respe-  
xit foeditatem suam, confessimque damna-  
vit, atque exuit. Sicut amici adulantes per-  
vertunt, sic inimici litigantes plerumque  
corrigunt. Nec tu quod per eos agis, sed  
quod ipsi voluerunt, retribui s' eis. Illa enim  
irata, exagitare appetivit minorem domi-  
nam, non sanare: & ideo clanculo, aut quia  
ita eas invenerat locus & tempus litis, aut  
ne forte & ipsa periclitaretur, quod tam se-  
ro prodidisset. At tu Domine rector cælitum  
& terrenorum, ad usus tuos contorquens  
profunda torrentis, fluxum seculorum ordi-  
nans turbulentum, etiam de alterius animæ  
insania sanasti alteram. Ne quisquam cum  
hoc advertit, potentiaꝝ suæ tribuat, si verbo  
ejus aliis corrigatur, quem vult corrigi.

N O.

## N O T A E.

- <sup>a</sup> Pariter remeabamus in Africam ) Hæsit tamen aliquantis per Romæ, ubi dum tempus navigationi opportunum expectat, scripsit libros de moribus Ecclesiæ Catholicæ, & alterum de moribus Manichæorum, item de Quantitate animæ, item l. i. Retra libros de libero arbitrio collocutore illo ipso c. 7, 8, 9. Euodio, cuius hic meminit, secundum tamen, & tertium in Africa se primum terminasse affirmat. Quæ autem præterea Romæ & in Africa gesserit, omittit, Deo confessiones, & gratiarum actiones de rebus innumerabilibus in silentio offerens. Matris tamen vitam & præclare gesta, ejusque mortem gratus filius cum laude recenset. Reliqua Augustini gesta in presbyterio & Episcopatu, ex Scriptoribus vitae Possidio, Cornelio Lancilloto, item Baronio petantur. Nos solas ejus Confessiones elucidamus, & publico usui aptamus. Libro tamen 10, ubi suum in virtute profectum describit, quædam attingemus.
- <sup>b</sup> Virga Christi tui ) gratia & providentia divina, qua mirabiliter ab ipsa infantia gubernat electos Deus, & S. Monicam à Christianis parentibus ortam, copiosis bonitatis suæ donis prævenit ac ornavit.

## V S V S.

1. Magna est bonæ educationis utilitas, quæ sæpe magis debetur pædagogis & nutricibus seu curatricibus, quam parentibus. Qui melius de liberis suis mereri non possunt, quam si eorum curam ac disciplinam iis hominibus commendent, à quibus virtutem discere cogantur. Meminerint tamen, si tales nacti sunt, eos honore, & pro meritis remunerari.
2. Adigendi sunt pueri & puellæ ad honestum modum in cibo & potu, ita ut præter horas prandii & coenæ vix sinantur bibere. Certe nisi mature assuefiant ad temperantiam, evadunt potatores, & per gulam ac ebrietatem sibi ad interitum viam sternunt. Nemo ebrietatis amans ullam virtutem solide assequipotest, aut innocentiam tueri.

3. Lu-

3. Luculento exemplo docet Monica, quomodo minimis etiam excessibus ad magna vitia perverniatur. Ecce cui paulo ante nec libebat, quod non decebat, illa plenos mero caliculos inhianter haurit.
4. Divinæ providentiae occultus & mirus, nec infrequens est modus, unius hominis vitio, sanare vitium animæ alterius. Eodem fere modo S. D. Alipium se sanasse insanientem amore sperandi supra narravit.
5. Grande humilitatis incitamentum S. D. iis suggestit, qui proximo juvando occupantur. Ut nemo potentiae ac virtuti suæ tribuat, si verbo ejus alius corrigatur, quem vult corrigi. Nam quivis reperiet se plurimis superbiae, vanæ glorie, impatientiae, sensualitatis, negligentiae peccatis, conciones, lectiones, admonitiones, aliqua proximi convertendi ministeria corrumpere & inquinare: adeo, ut sane soli Deo omnis honor & gloria debeat, nobis autem confusio faciei.

## C A P. IX.

*Qua mansuetudine ac patientia, Monica ferocem maritum ac socrum mitigarit, quantum item studuerit conciliare dissidentes, & omnibus obsequi.*

1. **E**ducata itaque pudice ac sobrie, potiusque à te subdita parentibus, quam à parentibus tibi: ubi plenis annis nubilis facta est, tradita viro servivit veluti domino; & sategit eum lucrari tibi, loquens te illi moribus suis, quibus eam pulchram faciebas, & reverenter amabilem, atque mirabilem viro. Ita autem toleravit cubilis injrias, ut nullam de hac re cum marito, haberet unquam similitatem. Expectabat enim misericordiam tuam super eum, ut in te credens

credens castificaretur. Erat vero ille præterea, sicut benevolentia præcipius, ita ira fervidus. Sed neverat hæc non resistere irato viro, non tantum facto, sed ne verbo quidem. Iam vero refracto & quieto, cum oportunum videret, rationem facti sui reddebat, si forte ille inconsideratus commotus fuerat.

2. Denique cum matronæ multæ, quarum viri mitiores erant, plagarum vestigia etiam de honestata facie gererent, inter amica colloquia illæ arguebant maritorum vitam, hæc earum linguam: veluti per jocum, graviter admonens, ex quo illas tabulas, quæ matrimoniales vocantur, recitari audissent, tanquam instrumenta, quibus ancillæ factæ essent, deputare debuisse: proinde memores conditionis, superbire adversus dominos non oportere. Cumque mirarentur illæ, scientes quam ferocem conjugem sustineret, nunquam fuisse auditum, aut aliquo indicio claruisse quod Patricius cederit uxorem, aut quod à se invicem vel unum diem domestica lite dissenserint: & cum causam familiariter quærerent, docebat illa institutum suum, quod supra memoravi. Quæ observabant, expertæ gratulabantur: quæ non observabant, subjectæ vexabantur.

3. Socrum etiam suam primo susurris malarum ancillarum adversus se irritatam, sic vicit obsequiis, perseverans tolerantia & mansuetudine, ut illa ultro filio suo medias linguis familiarium proderet, quibus inter se & nurum pax domestica turbabatur, expeteretque vindictam. Itaque postea quam

ille & matri obtemperans, & curans familiæ disciplinam, & concordiæ suorum consulens, proditas ad prudentis arbitrium verberibus coërcuit: promisit illa talia de se præmia sperare debere, quæcunque de sua nuru sibi, quo placeret, mali aliquid loqueretur: nullaque jam audente, memorabili inter se benevolentia suavitate vixerunt. Hoc quoque illi bono mancipio tuo, in cuius utero me creasti Deus meus, misericordia mea! munus grande donaveras. Inter dissidentes atque discordes quaslibet animas, ubi poterat, tam se præbebat pacificam, ut cum ab utraque multa de invicem audiret amarissima, qualia solet eructare turgens atque indigesta discordia, quando præsenti amicæ de absente inimica, per accida colloquia cruditas exhalatur odiorum, nihil tamen alteri de altera proderet, nisi quod ad eas reconciliandas valeret.

4. Parvum hoc bonum mihi videretur, nisi turbas innumerabiles tristis expericer (nescio qua horrenda pestilentia peccatorum, latissime pervagante) non solum iratorum inimicorum iratis inimicis dicta prodere, sed etiam quæ non dicta sunt, addere: cum contra animo humano parum esse debat inimicitias hominum nec exagitare, nec augere male loquendo, nisi eas etiam extinguere bene loquendo studuerit, qualis illa erat docente te magistro intimo, in schola pectoris. Deniq; etiam virum suum, jam in extrema vita temporali ejus, lucrata est tibi, nec in eo jam fideli planxit, quod in nondum fideli toleraverat.

5. Erat etiam serva servorum tuorum.  
Quis.

Quisquis eorum noverat eam, multum in ea laudabat, & honorabat, & diligebat te: quia sentiebat præsentiam tuam in corde ejus, sanctæ conversationis fructibus testibus. Fuerat enim unius viri uxor, mutuam vicem parentibus reddiderat, dōmum suam pie tractaverat, in operibus bonis testimoniū habebat. Nutrierat filios, toties eos parturiens, quoties à te deviare cernebat. Postremo nobis Domine omnibus, qui ex munere tuo finis loqui servis tuis, qui ante dormitionem ejus in te jam consociati vivebamus, percepta gratia baptismi tui, ita servivit, quasi ab omnibus genita suisset.

## V S V S.

1. S. Monicam si omnes nuptæ imitentur, nullus rixis & querelis in conjugio erit locus; hæc autem illa exempla edidit. I. Viro servivit ve-  
luti Domino, memor Deum illud in tabu-  
lis matrimonialibus posuisse: *sub viri potestate Gen. 3. 16*  
*eris, &c.* II. Eidem irato nec facto, nec verbo restitit. III. Si extra culpam erat, conju-  
gi jam refracto & quieto, rationem reddidit.  
IV. Cubilis injurias patienter toleravit. V. Ma-  
riti ad Deum & frugem conversionem longani-  
miter expectavit, & proculdubio frequenter pro-  
eo, ut pro filio Augustino, oravit.
2. Illustre eadem Sancta Matrona Christianæ con-  
cordiæ exemplum præbuit. I. Adversantes sibi  
vincendo obsequiis. II. Prodendo & com-  
primendo linguas discordiarum seminatrices.  
III. Nihil alteri dicendo, quod ad animos con-  
ciliandos non valeret. IV. Beno de aliis Io-  
quendo. Hoc pacis & concordiæ studium omnes  
imitari debemus, si Beati, & ex pacificorum nu-  
mero ac filiorum Dei, esse volumus.

## C A P. X.

*Vt cum matre paulo ante ejus mortem de  
eterna vita, supra omnem creaturam  
beata, differuerit, ipsa post filii conversio-  
nem longiorem vitam jam non deside-  
rante.*

1. *M*inente autem die, quo ex hac vita  
erat exitura, quem diem tu noveras  
ignorantibus nobis, provenerat ut credo,  
procurante te occultis tuis modis, ut ego &  
ipsa soli staremus incumbentes ad quandam  
fenestram, unde hortus intra domum, quæ  
nos habebat, prospectabatur, illuc apud  
ostia, Tiberina; ubi remoti à turbis, post  
longi itineris labore, instaurabamus nos  
navigationi. Colloquebamur ergo soli val-

*Phil. 3, 13. de dulciter, & præterita obliviscentes, in ea que  
ante sunt extenti, quærebamus inter nos apud  
præsentem veritatem, quod tu es, qualis fu-*

*2. Cor. 2, 9.  
9. tura esset vita æterna sanctorum, quam nec  
oculus vidit, nec auris audivit, nec in cor hominis  
ascendit. Sed inhiabamus ore cordis in su-*

*ps. 35, 10. perna fluenta fontis tui, fontis vitæ, qui est  
apud te, ut inde pro captu nostro aspersi,  
quoquo modo rem tantam cogitaremus.*

2. Cumque ad eum finem sermo perdu-  
ceretur, ut carnalium sensuum delectatio  
quantalibet, in quantalibet lucc corporea,  
præ illius vitæ jucunditate, non comparatio-  
ne, sed nec commemoratione quidem di-  
gna videretur: erigentes nos ardentiore af-  
fectu in idipsum, perambulavimus gradatim  
cuncta corporalia, & ipsum cœlum, unde  
sol,

sol, & luna, & stellæ lucent super terram. Et adhuc ascendebamus interius cogitando, & loquendo te, & mirando opera tua. Et venimus ad mentes nostras, & transcendimus eas, ut attingeremus regionem ubertatis indeficientis, ubi pascis Israël in æternum veritatis pabulo: & ubi vita sapientia est, per quam fiunt omnia ista, & quæ fuerunt, & quæ futura sunt. Et ipsa non fit, sed sic est, ut fuit, & sic erit semper; cum potius fuisse, & futurum esse, non est in ea, sed esse solum, quoniam æterna est. Nam fuisse & futurum esse, non est æternum. Et dum loquimur & inhiamus illi, attingimus eam modice toto ictu cordis, & suspiravimus, & reliquimus ibi religatas primitias spiritus, & remeavimus ad strepitum oris nostri, ubi verbum & incipitur, & finitur. Et quid simile verbo tuo domino nostro, inse permanenti sine vetustate, atque innovanti omnia?

3. Dicebamus ergo: Si cui fileat tumultus carnis, fileant phantasie terræ, & aquarum, & aëris; fileant & poli, & ipsa sibi anima fileat, & transeat se non se cogitando; fileant somnia, & imaginariæ revelationes, omnis lingua, & omne signum, & quicquid transundo fit, si cui fileat omnino. Quoniam si quis audiat, dicunt hæc omnia: Non ipsa nos fecimus, sed fecit nos, qui manet in æternum. His dictis, si jam taceant, quoniam erexerunt aurem in eum, qui fecit ea, & loquatur ipse solus, non per ea, sed per seipsum, ut audiamus verbum ejus, non per linguam carnis, neque per vocem angeli, nec per sonitum nubis, nec per ænigma si-

militudinis, sed ipsum, quem in his amamus, ipsum sine his audiamus: sicut nunc extendimus nos, & rapida cogitatione attingimus eternam sapientiam super omnia manentem, si continuetur hoc, & subtrahantur aliæ visiones longe imparis generis, & hæc una rapiat & absorbeat & recondat in interiora gaudia spectatorem suum: ut talis sit sempiterna vita, quale fuit hoc momentum intelligentiæ, cui suspiravimus. Nonne hoc Matth. 25, est, *Intra in gaudium domini tui?* Et istud quando?

<sup>\* Cor. 15,</sup> 4. An cum omnes resurgentus, sed non omnes immutabimur? Dicebamus talia, & si non isto modo, & his verbis, tamen Domine tu scis, quod illo die cum talia loqueremur, & mundus iste nobis inter verba vilesceret, cum omnibus delectationibus suis. Tunc ait illa: Fili, quantum ad me attinet, nulla jam delector in hac vita. Quid hic faciam adhuc, & cur hic sim nescio, jam consumpta spe hujus seculi. Vnum erat, propter quod in hac vita aliquantum immorari cupiebam: ut te Christianum catholicum videarem, priusquam morerer. Cumulatius hoc mihi Deus meus praestitit, ut te etiam contempta felicitate terrena, servum ejus videam. Quid hic facio?

## V S V S.

I. Hæc summa est stupendæ ascensionis, qua S. D. cum matre aspiravit ad gaudia vitæ æternæ, Transeunda sunt omnes creatura cum omni decore, pulchritudine, seravitate sua, non solum corporeæ, verum & spirituales. Quod supra illas omnes est, nec per ullam imaginem corpoream intelligi potest, illud est gaudium Domini, in quod intrabunt omnes servi illius boni & fidèles. Quid ergo quaerimus solatia in terris,

CHM

cum incomparabiliter majora nobis serventur in cælis , etsi illa non nisi modice uno iœtu cordis , & rudi cogitatione possimus attingere ?

2. S. Monica postquam vidit filium Catholicum & Dei servum , nihil ultra in hac vita sibi desiderandum putavit : sic Dei servus animarum saluti procurandæ destinatus , postquam manipulos multos pro viribus in horreum Domini comportavit , nihil habet ultra , quo in hac vita delectetur.

## C A P . XI.

*Vt S. Monica febribus correpta , solas postulans preces , de sepulchro nihil solicita , dic nono ægritudinis corpore soluta sit.*

1. **A**D hæc ei quid responderim , non satis recolo. Cum interea vix intra quinque dies , aut non multo amplius , decubuit febribus. Et cum ægrotaret quodam die , defectum animæ passa est , & paululum subtracta à præsentibus. Nos concurrimus , sed cito reddita est sensui , & aspexit adstantes , me & fratrem meum , & ait nobis , quasi quærenti similis , Vbi eram ? Deinde nos intuens moerore attonitos , ponetis hic , inquit , matrem vestram. Ego filebam , & fletum frænabam. Frater autem meus quiddam locutus est , quo eam non peregre sed in patria sua defungi , tanquam felicius optaret. Quo auditio , illa vultu anxi reverberans eum oculis , quod talia saperet , atque inde me intuens , Vide ait , quid dicit ! Et mox ambobus : Ponite , inquit , hoc corpus ubique , nihil vos ejus cura conturbet. Tantum illud vos rogo , ut ad Domini altare memineritis meis , ubi fueritis.

P 4

2. Cum-

2. Cumque hanc sententiam, verbis quibus poterat, explicasset, conticuit, & ingravescente morbo exercebatur. Ego vero cogitans dona tua Deus meus invisibilis, quæ immittis in corda fidelium tuorum, & proveniunt inde fruges admirabiles: gaudebam, & gratias agebam tibi, recolens quod noveram, quanta cura semper æstuasset de sepulchro, quod sibi providerat & præparaverat, juxta corpus viri sui. Quia enim valde concorditer vixerant, id etiam volebat, ut est animus humanus minus capax divinorum, adjungi ad illam felicitatem, & commemorari ab hominibus, concessum sibi esse post transmarinam peregrinationem, ut conjuncta terra, amborum conjugum terra tegeretur.

3. Quando autem ista inanitas plenitude bonitatis tuæ cœperat in ejus corde non esse, nesciebam, & latabar admirans, quod sic mihi aperuisset: quamquam, & illo sermone nostro ad fenestram, cum dixit: *Iam quid hic facio?* non apparuit desiderare in patria mori. Audivi etiam postea, quod jam cum Ostiis essemus, cum quibusdam amicis meis materna fiducia colloquebatur, quodara die, de contemptu vitæ hujus & bono mortis, ubi ipse non aderam. Illisque stupentibus virtutem feminæ, quam tu dereras ei, quærentibusque, utrum non formidaret tam longe à sua civitate, corpus relinquere. *Nihil* ( inquit ) *longe est Deo, neque timendum est, ne ille non agnoscat in fine seculi, unde me resuscitet.* Ergo die nono ætudinis suæ, quinquagesimo & sexto anno ætatis suæ, a tricesimo & tertio ætatis meæ,

meæ, anima illa religiosa & pia, corpore soluta est.

## N O T A E.

- 2 Tricesimo & tertio atatis meæ ) demonstrat Baro- A. C. 388.  
 nius subesse mendum, & legi debere trigesimo & in notis  
 quinto. Quod probat ex aliis S. D. locis, recte. ad "Matyr.  
 que admonet germanum habendum esse textum illum, edit. emen.  
 qui alterius textus ejusdem autoris contestatione fulci- die 5.  
 tur, suspectum vero eum, qui à duobus, vel pluribus  
 contrariis textibus impugnatur. Maji.

## V S V S.

1. Cura morituri alia nulla esse debet, quam ut à Deo misericordiam, ab hominibus suffragia impetrat. Hoc docet Monica, quæ nihil aliud petit, quam ut ad altare Domini memores sint sui, ubique fuerint.
2. Expendant Sectarii, quam certo senserint veteres fideles, suffragia vivorum prodeesse defunctis, & quam solicite illa sibi procurarint.
3. Vana est illorum cura & parum Christiana, qui valde de sepulchro in patria reperiendo solliciti sunt, cum verissimum sit, ut dixit Monica: *Nihil longe esse Deo, neque timendum, ut in fine seculi non agnoscat, unde quemvis resuscitet.*
4. Solet Deus electorum suorum vitia, et si parva, ante mortem plenitudine gratiæ suæ plenumque emendare; ita S. Monicæ exemit inordinatam curam Sepulturæ gentilitiæ.

## C A P. XII.

*Quam acerbum dolorem, et si invitus in morte ac funere matris senserit.*

1. **P** Remebam oculos ejus, & confluerebat in præcordia mea mœstudo ingens, & transfluebat in lachrymas: ibidemque oculi mei, violento animi imperio, resor-  
 P 5                   bebant

bebant fontem suum usque ad siccitatem,  
 & in tali luctamine valde male mihi erat.  
 Tum vero ubi efflavit extremum spiritum,  
 puer Adeodatus exclamavit in planctum,  
 atque ab omnibus nobis coercitus tacuit.  
 Hoc modo etiam meum quiddam puerile,  
 quod labebatur in fletus, juvenili voce cor-  
 dis coercebatur, & tacebat. Neque enim  
 decere arbitrabamur, funus illud questibus  
 lachrymosis gemitibusque celebrare : quia  
 his plerunque solet deplorari quædam mi-  
 seria morientium, aut quasi omnimoda ex-  
 tinctio. At illa nec misere moriebatur, nec  
 omnino moriebatur. Hoc & documentis  
 morum ejus, & fide non ficta, rationibus  
 que certis tenebamus.

2. Quid ergo erat, quod intus mihi gra-  
 viter dolebat, nisi ex consuetudine simul vi-  
 vendi dulcissima, & carissima, repente di-  
 rupta, vulnus recens? Gratulabar quidem  
 testimonio ejus, quod in ea ipsa ultima ex-  
 gritudine, obsequiis meis interblandiens,  
 appellabat me pius, & commemorabat  
 grandi dilectionis affectu, nunquam se au-  
 disse ex ore meo, jaculatum in se durum, aut  
 contumeliosum sermonem. Sed tamen, quid  
 tale Deus meus, qui fecisti nos, quid com-  
 parabile habebat honor à me delatus illi, &  
 servitus ab illa mihi? Quoniam itaque de-  
 serebar tam magno ejus solatio, sauciabatur  
 anima mea, & quasi dilaniabatur vita, qua  
 una facta erat ex mea, & illius.

3. Cohibito ergo à fletu illo puero, Psal-  
 terium arripuit Euodius, & cantare cœpit  
 Psalmum, cui respondebamus omnis do-  
 m. 190, 1. inus: *Misericordiam & judicium cantabo tibi Do-*  
*mne.*

mine. Auditio autem quid ageretur, convenie-  
runt multi fratres ac religiosæ feminæ. Et  
de more illis, quorum officium erat, funus  
curantibus, ego in parte, ubi decenter po-  
teram, cum eis qui me non deferendum esse  
censebant, quod erat tempori congruum  
disputabam: eoque fomento veritatis miti-  
gabam cruciatum tibi notum, illis ignoran-  
tibus, & intente audientibus, & sine sensu  
doloris me esse arbitrantibus. At ego in  
antribus tuis, ubi eorum nullus audiebat, ini-  
crepabam mollitiem affectus mei, & con-  
stringebam fluxum mœroris. Cedebatque  
mihi paululum, rursusque impetu suo fere-  
batur, non usque ad eruptionem lachryma-  
rum, nec usque ad vultus mutationem. Et  
quia mihi vehementer dispicebat, tantum  
in me posse hæc humana, quæ ordine debi-  
to, & sorte conditionis nostræ, accidere ne-  
cessè est: alio dolore dolebam dolorem  
meum, & duplii tristitia macerabar.

4. Cum ecce corpus elatum est! imus, &  
redimus sine lachrymis. Nam neque in eis  
precibus, quas tibi sudimus, cum tibi offer-  
retur pro ea Sacrificium pretii nostri, juxta  
sepulchrum posito cadavere, priusquam de-  
poneretur, sicut illic fieri solet, nec in eis  
precibus ego flevi. Sed toto die graviter in  
occulto mœstus eram, & mente turbata ro-  
gabam te, ut poteram, quo sanares dolo-  
rem meum: nec faciebas, credo commen-  
dans memoriae meæ, vel hoc uno documen-  
to omnis consuetudinis vinculum, etiam  
adversus mentem, quæ jam non fallaci ver-  
bo pascitur. Visum etiam mihi est, ut irem  
lavatum, quod audieram inde balneis no-

men inditum , quia Græci βαλανεῖον dixerint, quod anxietatem pellat ex anima. Ecce & hoc confiteor misericordiæ tuæ pater orphanorum, quoniam lavi, & talis eram, qualis priusquam lavissim. Neque enim exsudavit de corde meo moeroris amaritudo.

5. Deinde dormivi & evigilavi , & non parva ex parte mitigatum inveni dolorem meum. Atque ut eram in lecto meo solus, recordatus sum veridicos versus Ambrosii tui : Tu es enim,

*Deus creator omnium,  
Tolique rector ; vestiens  
Diem decoro lumine ,  
Noctem soporis gratia.  
Artus solutos ut quies  
Reddat laboris usui ,  
Mentesque fessas allevet ,  
Luctusque solvat anxiōs.*

Atque inde paulatim reducebam in pristinum sensum ancillam tuam , conversationemque ejus, piam in te & sanctam , in nos blandam atque morigeram , qua subito destitutus sum. Et libuit flere in conspectu tuo de illa, & pro illa, de me, & pro me. Et dimisi lachrymas, quas continebam, ut effluerent, quantum vellent, substernens eas cordi meo , & requievi in eis : quoniam ibi erant aures tuæ, non cujusquam hominis superbe interpretantis ploratum meum.

6. Et nunc Domine , confiteor tibi in literis , legat , qui volet , & interpretetur , ut volet. Et si peccatum invenerit fleuisse me matrem exigua parte horæ , matrem oculis meis interim mortuam, quæ me multos annos

nos fleverat, ut oculis tuis viverem: non irrideat, sed potius, si est grandi caritate, pro peccatis meis float ipse ad te, patrem omnium fratrum Christi tui.

## V S V S.

1. Non deflenda est mors justorum, *preciosa in conspectu Domini*, quia nec misere moriuntur, Beati enim sunt, qui *in Domino moriuntur*, nec omnino moriuntur, sed meliore sui patre superstites, viam deteriorem cum meliore commutant.
2. Audi hæretice oblatum sacrificium pretii nostri, nimirum Missæ, pro anima S. Monicæ, & Catholicos fuisse S. Augustinum, & Matrem ejus, item Alipium intellige.
3. Quanta sit consuetudinis violentia, expertus est S. D. in hoc ipso mœrore, qui reluctantem licet animum ejus fregit; quamvis nec tam immoderatus, nec tam diuturnus fuerit hic dolor, quam ille, quo de morte amici se doluisse, seu potius insaniisse supra confessus est.
4. Indulgendum est aliquid naturæ in tam gravi luctu, quamvis moderanda sit fræno voluntatis divinæ, & conditionis humanae. Morimur quia Deus vult, & natura jubet. S. Bernardus ingenitum quoque dolorem *ex morte fratris* percepit.

lib. 4.

Serm. 26  
in Caate.

## C A P. XIII.

*Consideratione periculorum omnis animæ,  
qua in Adam moritur, orat pro matre,  
idemque ab aliis fieri rogat.*

1. **E**go autem jam sanato corde ab illo vulnere, in quo poterat redargui carnalis affectus, fundo tibi Deus noster pro illa famula tua longe aliud lachrymarum genus, quod manat de concusso spiritu, consideratione periculorum omnis animæ, qua in Adam moritur. *Quamquam illa in 1 Cor. 15.*

P 7

Chri- 27.

Christo vivificata, etiam nondū à carne resoluta, sic vixerat, ut laudetur nomen tuum in fide moribusque ejus. Non tamen audeo dicere, ex quo eam per baptismum regenerasti, nullum verbum exisse ab ore ejus contra præceptum tuum. Et dictum est à veritate, filio tuo, *Siquis dixerit fratri suo fatue, reuerterit gehennæ ignis.* Et vix etiam laudabili vita hominum, si remota misericordia discutias eam. Quia vero non exquiris delicta vehementer, fiducialiter speramus aliquem apud te locum invenire indulgentiæ. *Quisquis autem tibi enumerat vera merita sua, quid tibi enumerat, nisi munera tua? O si cognoscant se omnes homines, & qui gloriantur, in Domino glorientur!*

2. Ego itaque laus mea & vita mea, Deus cordis mei! sepositis paulisper bonis actibus, pro quibus tibi gaudens gratias ago, nunc pro peccatis matris meæ deprecante: exaudi me per medicinam vulnerum nostrorum, quæ pependit in ligno, & sedens ad dexteram tuam, te interpellat pro nobis. Scio misericorditer operatam, & ex corde dimisisse debita debitoribus suis, dimitte illi & tu debita sua. Si qua etiam contraxit per tot annos, post aquam salutis, dimitte.

*Psal. 142. Domine, dimitte obsecro: ne intres cum ea in judicium. Superexaltet misericordia judicium, quoniam eloquia tua vera sunt, & promisisti misericordiam misericordibus. Quod ut es.*  
*Iac. 2. 13. Mat. 5. 7. Rem. 9. 15. sent, tu dedisti eis, qui misereberis, cui misertus eris, & misericordiam praestabis, cui misericors fueris. Et credo jam feceris, quod te rogo, sed voluntaria oris mei approba Domine.*

*Psal. 118. 108. 3. Namque illa imminente die resolu-*  
*tio-*

tionis suæ, non cogitavit suum corpus sumtuose contegi, aut condiri aromatibus, aut monumentum electum concupivit, aut curavit sepulchrum patrium. Non ista mandavit nobis, sed tantummodo memoriam sui, ad altare tuum fieri desideravit, cui, nullius diei prætermissione, servierat, unde sciret dispensari victimam sanctam, qua *deletum est* <sup>Col.2.14.</sup> *chirographum*, quod erat contrarium nobis, qua triumphatus est hostis, computans delicta nostra, & quærens quid objiciat, & nihil inventiens in illo, in quo vincimus. *Quis ei* refundet innocentem sanguinem? *Quis ei* restituet pretium, quo nos emit, ut nos offerat ei, ad cuius pretii nostri sacramentum, ligavit ancilla tua, animam suam vinculo fidei?

4. Nemo à protectione tua dirumpat eam. Non se interponat, nec vi, nec insidiis, leo & draco. Neque enim respondebit illa nihil se debere, ne convincatur & obtineatur ab accusatore callido. Sed respondet dimissa debita sua ab eo, cui nemo reddet, quod pro nobis non debens, reddidit. Sit ergo in pace cum viro, ante quem nulli, & post quem nulli, nupta est. Cui servivit, fructum tibi afferens cum tolerantia, ut eum quoque lucraretur tibi. Et inspira Domine Deus meus, inspira servis tuis, fratribus meis, filiis tuis, dominis meis, quibus & voce, & corde, & literis servio: ut quotquot hæc legerint, meminerint ad altare tuum Monicæ famulæ tuæ, cum Patricio quondam ejus conjuge, per quorum carnem introduxisti me in hanc vitam, quemadmodum nescio. Meminerint

cum

cum affectu pio parentum meorum in hac luce transitoria, & fratrum meorum sub te patre, in matre catholica, & civium meorum in æterna Ierusalem, cui suspirat peregrinatio populi tui, ab exitu usque ad redditum: ut quod à me illa poposcit extremum, uberioris ei præstetur in multorum orationibus, tam per confessiones, quam per orationes meas.

## V S V S.

1. Docet S.D. quemvis sibi & aliis timere debere in morte; nemo enim securus est misericordiæ & veniæ. Væ etiam iis, qui justi habentur, nisi misericordia patrocinium suscipiat.
2. Humilitatis hoc fundamentum est, *merita hī minū nil esse, nisi Dei munera, in quo solo gloriandum est.*
3. Oratio pro defunctis in veteri Ecclesia, fuit in pretio & usu. Qui eam oderunt, non sunt veteris Ecclesiæ hæredes, sed rebelles ac hostes.



LIBER